



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 22. Mendoça civitas Societatis sede ornatur.

urn:nbn:de:hbz:466:1-38528

montium jugis aut paludibus longè à Dominis suis se abdentes, malebant in maledicis locis vitam brevem finire, quam duram servitutem diu servire. Provincias integras vis mali corripuerat, eò periculosior, quod supra remedia respueret. Quippe iterata de abrogando servitio personali Caroli Quinti & Philippi secundi diplomata plerique urbium Præfecti, aut posito misericordia affectu, suis utilitatibus servientes, ab torrente se rapi finentes, aut deinde remedio impares, supprimebant. Eo in statu res erat, cum Philippus Tertius anno seculari, Majorum suorum exemplo, serpens malum disturbare cupiens, diploma turtsum fecit, quo jubebat servitum illud aboleri. Interjecto tempore Claudius Aquaviva Generalis, cognito quod primarii quidam Hispani Indos aliquot Chileno Collegio ac Tucumania Societatis dominibus dono dedissent, quibus nostri ad domestica servitia uterentur, ne exemplo noceremus, Provincialem Peruviam, ac Didacum Torres Limæ adhuc versantem, per litteras monuerat, ut servitii personalis jus à præcipuis Theologis examinati curarent, & si quidem illud injustum esset, Indi in nostris dominibus servientes, metcede pro impenso labore receptâ, manumitterentur. Sed actum aucturi erant; nam Archiepiscopus Limensis Loiola è Dominicana familia, exquisitus doctissimorum virorum de personali servitio judicis, sententiam tulerat, omnium calculis confirmatam, quâ injustum pravumque pronunciaverat. Præterea Marchio Montis Regalis, & Comes Montium Clavorum, Peruviam Proreges, necnon è variis Religiorum familiis & Juris-consultorum ordine viri doctissimi, Regiis diplomaticis magno conatu favebant. Quare Didacus Torres, postquam quid in Tucumania & Chileno regno circa Indos gereretur, coram perspexisset, desperaretque, servitio personali non profligato, rem Christianam promoveri posse, requisitis de novo Sociorum in utraque Provincia sententiis, non ultra dissimulandum ratus, Indos omnes in Chileno Sancti Jacobi Collegio servientes manumittit, mercede pto impenso labore ex æquo repensâ. Quod exemplum sequuti pauculi cives conscientiis suis consuluerent. Nec deerant nonnulli mortales, qui usurpatam consuetudine in Indos potestatem, ab Prætoribus Regis introductam toleratamque, in justum dominium, etiam reclamante Rege, transisse affirmarent. Sed Societas, ne conniventia huic malo participaret, sui maximè Provincialis hor-tamentum, fortiter resistebat, & Regis optimi, necnon Senatus integerrimi Decreta in privatis publicisque congressibus rationum vi confirmabat, infirmabatque malè opinantium dicta. Cumque sic constanter se gereret, & clam servitio personali abutentes, nî daminum refarcirent, à peccatis absolvere renueret, tanquam exemplo verbisque nocitura, publicam offensionem gravissimè incurrit. Nec unius temporis aut loci calamitas fuit; sed ex hinc ad plures annos, & omnia Chilensi regni Tucumania ac Parauaria loca pervagata, pœnè in ortu novellam Societatis Provinciam oppressit. Crevit tamen illa, magnarum rerum more, per sua damna illustrior, & contra injurias oblitata inter ruinas sese erexit, profligatura pedentium infesti demonis vires, & novi Orbis magnam partem missura sub Christi & Regis Catholici jugum. Sed ne verba date videar, post primos servitii personalis tumultus, Didacus Torres, nequicquam reluctante styge, Cuioensem Provinciam sede occupavit.

CUJO Provincia, Chileni regni Mediterranea appendix, ad ipsas montium radices, quâ Tucumaniam relpiciunt, quasi extra muros regni posita, ducentis in longum leuis variâ latitudine protenditur: tres urbeculas admodum infrequentes haber, quarum caput Mendoza, in ipsis fermè montium faucibus, quâ ad regnum itur, sita, Petrum Castillium, Peruano bello, eretto de manibus Pizarri, quod gerebat, vexillo nobilem, pro fundatore agnoscit: nomen vero ab Hurtado Mendoza Marchione Canietensi, Peruviam Prorege, fortita, haec tenus feliciter perennat.

CAPUT
XXII.
Mendoza
civitatis So-
cietas fede
ornatur.

Mendozina
civitatis
origo.

Regi Prefecti
& Magistra-
tus.

Rex Cathe-
licus recla-
mat.

Societas Re-
giis diploma-
tibus se ac-
commodeat.

Gravissimi
viri seruiti
personalis
improbant.

Didacus
Torres eis
accedit,

Et Socii
omnes.

Ob id, Soci-
tas offensa-
nem incur-
rit.

Regionis con-
ditio.

Æs Mendocinum inter legitima probatur. Regio tota nullâ aliâ re, nisi fertilitate memorabilis est. Fertilitatem facit æstivo calore vicinorum montium nix liquefacta, & in subiectam planitiem ductilibus viis ad libitum dispensata, unde tanta frumenti, vini, & cæterarum frugum vis, ut adjacentibus terris multa suppeditet. Æstivos dies brevissimos faciunt continui montes ex abrupto se in cœlum effrentes. Solemque paucis post meridiem horis occultantes: qui montes ultrò citroque ire volentibus transitum non præbent, nisi adulto Vere; quæcum tempestate non sine periculo & ingenti labore transmittuntur. Per ea tamen loca quotannis Indigenæ, nullâ sexus aut ætatis habitâ ratione, pœnè nudi ad regni interiora servitum ire compellebantur; fiebatque ut multorum artus amburerentur vi frigoris, ac intet nives rigidi examinarentur. Præterea multis aliis oneribus premebantur, miseri æquali corporum vexatione ac animarum incuria. Igitur Didacum Torres graves causæ impulerunt, ut sedem Societatis Mendoçæ ponere vellet; nam sperbat fore, ut miseri ab gravi servitio defensarentur, & multa millia Barbatorum ad Fidem converterentur. Adde, quod è Tucumania ad Chilenum regnum euntibus, & inde redeuntibus, necon Hispanis omni fermè animatum sublido carentibus, Mendoçina sedes magno commodo futura crederetur. Accessit his causis liberalitas Lopéssii Peniæ, & Agnetis ab Leone liberalitas.

Mendoçini
cives societatem ad-
mittere pri-
mum re-
miserunt.

Potes ad-
matunt.

Et fructu
letanier.

CAPUT
XXIII.
Cuiocenes
Indi doct. in
na Christia-
na iubuantur.

De eorum
moribus.

Multi ad fi-
dem conver-
tuuntur.

QUIBUS rebus primo semestri perfectis, Alexandro Faia ad sarcinas remanente, Joannes Pastor, & Fabianus Martinius, ex prescripto Didaci Torres, ad excusiones arduas animum erexere. Ipsi omnes Cuiocenses aut lacus habitant, aut campos campestres nullâ certâ sede, storeis portatilibus pro ædibus utentes, vagantur. Venatione plerumque vivunt. Palustres juncorum radices Sole duratas pro pane edunt, pro reliquo edulio pisces & lacuum rejectamenta adhibent. Cuniculorum in morem sub effossa humo ædes exiguo aditu sibi faciunt. Utrisque mos est, Judæorum ad instar, filias suas vendere, sic emptas mariti promancipiis & uxoribus habent. Pauperes pro sponsæ pretio soceris suis per annum serviunt. Ut quisque opibus valet, plures aut pauciores, duplii servitutis & conjugii vinculo illigatas, sub fornice alit. Ad hos populos delati Socii, cum reperissent plerosque, vexationum metu, latebris se abdidisse, ipsas latebras, per paludes & torrentes rate ex storeis & juncis raptim factâ vesti, pervalere: repertos docent se non vexandi, sed auxiliandi ergo venisse: non ad servitium imponendum, sed ad eos in libertatem filiorum Dei afferendos.